

3077

## LITURGICI

3078

In Septuagesima duplex. *Cantemus cuncti melodum nunc alleluia &c. Et: Alleluia piis edite laudibus Cives etherei psallite suaviter aevia (alleluia) perenne &c. Fol. 155. p. 2. Dominica IV. Quadrag. Hymnus idem, qui supra de Cathedrala S. Petri. Fol. 159. p. 2. In Pascha. Chorus noue Hierusalem nouam meli dulcedinem &c. Fol. 161. In ascensione. *Astra polorum super ascendit &c. Fol. 163. In natali Joh. Bapt. Almi Propete Progenies pia clarus parente nobilior patre &c. Fol. 165. De S. Udalrico. Mire Plasmator Seculi qui cuncta formans nibili &c. ibid. S. Willibaldi. Mare fons ostium atque terrarum deus &c. Pag. 2. In Nat. S. Jacobi Apost. Huius diei gloria det Chrifte mundo gaudia &c. Fol. 166. In eod. *Bella qui carnis noua pertulistis regis eterni stabiles amici &c. Fol. 167. p. 2. In Decollat. S. Joh. Bapt. Affertor equi non ope regia nec morte dura linquere tramitem &c. Ibid. In Nativ. S. Mariae. O sancta mundi domina Regina celi inclita &c. Fol. 168. In ead. *Gaude uisceribus mater in intimis. Felix ecclesia quae sacra replicas &c. Pag. 2. In Nat. S. Mauriti et Socior. Alma Christi quando fides mundo passim traditur &c. Fol. 170. In Nat. S. Galli. Vita Sanctorum via spes salusque. Chrifte largitor probitatis atque &c. Pag. 2. In Festiv. Omnium Sanctorum. Chrifte qui Virtus Sator et vocaris. cuius ornatur pietate quidquid &c. Fol. 172. In Nat. S. Martini duplex. *Rex Chrifte Martini de-*****

*cus Hic laus tua tu illius &c. Et: Martine par Apostolis Festum colentes tu foue &c. Pag. 2. In Nat. S. Andreae. Laus Angelorum inclita. Spes conditorum unica &c. Fol. 173. In Dedicat. Eccl. Chrifte celorum habitator alme hec domus fulget sub honore cuius &c. Fol. 174. p. 2. De S. Apostolis. *Andrea pie Sanctorum mitissime obtine nostris erratibus ueniam &c. Fol. 177. p. 2. In Nat. unius Confessoris. Hic est verus Christicola Apostolorum assecla &c. Possibile est, Hymnos hos Casfandro maximam partem visos, sed, quod elumbes et solutiores putaret, neglectos; sunt tamen inter eos, qui medicam manum benigne ferrent. Illud addo, non recte legisse Virum doctum in Prudentiano de Innocentibus Hymno p. 206. Mox omnis infans occidat. Codex noster cum melioribus Editt. reponit: Mas omnis &c.**

IV. fol. 178. *Cantica in Dominicis diebus.* Loca sunt e sacris Literis depromta, nec pro Dominicis modo, sed pro praecipuis per annum Festis, quae, cur Cantica adpellentur, vel quis eorum in Liturgia usus fuerit, non inuenio. *Canticum I.* constat loco Ijaiae a v. 2. C. XXXIII. ad v. 11. *Canticum II.* a v. 13. ad v. 18. &c.

DCCCLI.

Codex membraneus lat. Sec. 7<sup>14</sup>  
XIV. Folior. 68. 4. nigro rubro-  
que varius est Ordo celebrandi  
divi-

divinum Chori Officium tam de Tempore, quam de Sanctis per totum annum, a I. *Adventus* Dominica initium ducens, cujusmodi nunc *Diretoria* adpellantur. In usum Monasterii cujusdam descriptum fuisse, suadet Rubrica ad secundas Vesperas D. *Iohannis* Apost. et Evang. ubi legas fol. 11. p. 2. *Et illud cantando descendunt de choro in monasterium &c.* Monasterium istud in Italia quaerendum videri posset ex alia Rubrica fol. 53. p. 2. ubi, postquam de ordinando Officio Romanorum Pontiff. Martyrum actum est, sequitur: *Idem quoque fit de Ravennensibus episcopis. scilicet apollinari et aliis.* Verum quid ad *Italiam* Rubrica Dom. II. *Adventus* fol. 20. p. 2. Notandum etiam est, quod in choro *Spirensi* mos est cantare de *santa maria in sabbato &c.* Malo itaque Germaniam cogitare motus primum *T<sub>o</sub> Ravennensibus*, quod ab *Italo* Librario pro *Ravennensibus* vix expectaveris, dein alia Rubrica, quae fol. 23. p. 2. ad diem XXII. *Jan.* ita decurrit: *Oratio de sancto anastasio. quamcumque uolueris de uno martire. postea orationem de sancto uicencio Adesto ques. domine. sub una conclusione. Illa autem de sancto anastasio prius dicetur quia caput eius in choro nostro habetur.* Notat Bollandus in *Actis Anastasii Persae* Mart. ad diem praedictam T. II. *Jan.* p. 425. In *Breviario Spirensi* referuntur de S. *Anastasio*, qui ibidem S. *Vincencio* praepositus, tres primae lectiones. En igitur Monasterium no-

strum verisimiliter in Dioecesi *Spirensi* situm. At quodnam Dioeceseos hujus Monasterium S. *Anastasio* Caput possedit? Tempore Synodi *Nicaenae* II. a. 787. *Romae* illud servatum fuisse *Acta* Synodi illius apud *Bolland.* cit. p. 422. testantur. Locum adsignant Scriptores posteriores Ecclesiam S. *Mariae ad Aquas Salvias*, quae, ut habet *Vischii Chronologia Monasterior.* Ord. *Cisterc.* p. 366. circa an. 1140. huic Ordini adtributa est. Si *Petr. Beckium* in *Aquisgrano.* C. IX. p. 171. audiamus, ostenditur ibidem inter sacra *Aet-ψαα* Populo Caput S. *Anastasio*; si vero *Lambertum Schafnaburg.* in *Annalib.* jam illud *Henricus* IV. a. 1072. cum aliis Reliquiis *Aquisgrano* in *Hartensburg* sive *Hercynoburgum* transtulit, quo ab *Saxonibus* a. 1074. diruto, ut idem narrat, *Reliquias sanctorum, quae effractis altaribus erutae fuerant* — abbas ex vicino coenobio opportune superveniens furenti vulgo eripuit, atque in suum monasterium cum honore transvexit. Has inter Reliquias, vix dubium est, etiam *Anastasio* Caput comprehendi. Opportunum igitur fuisset, si vicini illius Coenobii nomen *Lambertus* edidisset. Testatur quidem *Chronicon Goslariense* T. II. *Scriptt. Brunsvic. Leibnit.* p. 535. fuisse *Hartensburgi* Monasterium S. *Valerii*, sed addit jam ab *Henrico* III. post an. 1040. *Goslariam* traditum fuisse. Verum haec ab instituto longius abducunt, neque tanti sunt, cum, ut saepe alias, ita et circa Caput hoc pia credulitas im-



## Wien, Österreichische Nationalbibliothek (ÖNB), Cod. 1882

Michael Denis: Codices Manuscripti Bibliothecae Palatinae Vindobonensis Latini Aliarumque Occidentis Linguarum. Vol. I. Pars III. Wien 1795.

3081

## LITURGICI.

3082

imponere sibi potuerit, aut negotium sit de alterius *Anastasi Capite*, quorum plures in SS. Catalogis recensentur.

## DCCCLII.

- 842 Codex membraneus lat. Sec. XIV. Folior. 282. 8. minute exaratus, rubricisque distinctus sacrum Chori Officium vulgo *Breviarium* continet. Praeit *Calendarium* versibus *διαιρητικαῖς* ornatum, in quo ad V. Id. Mart. minio *Claues pasche*, ad XVI. Kal. Maj. vero *Claues rogacionum* adscriptum est. Eodem colore notatur III. Kal. Oßobr. *Wencezslay martiris*, unde Codex *Bohemiae* accenseri potest. Distributus est ita, ut praecedat Officium Feriale, sequantur Festa Domini per anni decursum, et Festa Sanctorum eodem decursu concludant.

## DCCCLIII.

- 422 Codex membraneus lat. Sec. XV. Folior. 404. 4. per duas columnas scriptus, passimque picturis auro et colore variis ornatus *Psalmodiam* sacram, sive *Horas*, quas vocamus, *Canonicas* complectitur, praemisso *Calendario*, in quo Officia Duplicia, *Triplicia*, et numerus *Lectionum* cuiusvis Officii notantur. Cum *Stanislai M.* Festum VIII. Id. Maj. inter *Triplicia* numeretur, alicubi in *Polonia* scriptum arbitror, idque vel anno 1407. vel 1418. vel 1429. hisce enim annis *Resurrectio Domini* sive *Pascha* in Denis Codd. Theol. V. I. P. III.

VI. Kal. Apr. seu 27. Martii incidit, cui diei in *Calendario* nostro assignatur. Ipse porro Codex hoc ordine decurrit: Officium Dominicale et Feriale, in quo singulis *Psalms* breve argumentum praefixum est, *Litaniae* de OO. SS. *Vigiliae Mortuorum*, *Hymnarium*, *Antiphonarium* et *Lectionarium* pro totius Anni Dominicis, Idem de Festis SS. propriis, deque eorum, ut dici solet, *Communi*.

## DCCCLIV.

- Codex membraneus lat. Sec. 424 XV. Folior. 471. 4. per duas columnas exaratus, literisque Initiorum picturatis *Horarum* *Canonicarum* Liber est, sive *Breviarium*, quod praemisso *Calendario* incipit a *Psalmodia* diurna, adnexo *Hymnario* et officio pro *Mortuis*, dein sequenti gaudet titulo miniato: *Incipit Ordo siue liber Matutinalis de Ecclesiasticis obseruationibus quid legendum sit et eciam cantandum per Circulum anni secundum Patauensem Ecclesiam*. Atque ita ducto ab *Adventu* Domini initio Officia *Domnicarum*, *Feriarum*, *Festorum* Domini et *Sanctorum* permixta in orbem decurrunt, adjecto in fine Officio communi de *Sanctis*. Fol. 296. p. 2. subscriptum legas: *Deo gracias. Thomas baidenlaber*. Item fol. 459. p. 2. *O lieber got lieber got. M. Secretum meum mihi. I M I.* Quod *Secretum* sibi bona pace nostra habeat.

O O

## DCCCLV.